

Acordo da Xefatura Territorial da Coruña, polo que se somete a información pública a solicitude de outorgamento das autorizacións administrativas previa e de construción e de declaración de utilidade pública, en concreto, dunha instalación de distribución de enerxía eléctrica no termo municipal da Laracha (expediente IN407A 2024/024-1).

Expediente: IN407A 2024/024-1

Solicitante/promotor: Hidroeléctrica de Laracha, SLU

Denominación: LMT interconexión Xesta-Toural e novo CS Navallos

Termo municipal: A Laracha

### 1 Características técnicas:

Modificación do apoio nº 49-25 da LMT aérea "Derivada a interconexión LP2" (expediente IN407A 2002/104-1) de formigón tipo HV-1000/13, consistente na instalación dun paso aéreo-soterrado (PA/S) e dun paso soterrado-aéreo (PS/A) dotados de cadanseus xogos de pararraios autoválvulas.

Instalación dun novo centro de seccionamento (CS) prefabricado de formigón, de manobra interior, cunha configuración de celas 3L+1SSAA (transformador de servizos auxiliares) con illamento e corte en SF6, dotado do seu correspondente conxunto de dispositivos de protección e manobra, que se situará na parcela con referencia catastral 15042A102001210000RI sita no lugar de Navallos (Soandres).

Nova liña eléctrica de media tensión soterrada, a 20 kV (tensión de servizo: 15 kV), de 2 x 26 metros de lonxitude en condutor tipo RHZ1-2OL 12/20 kV 3 (1 x 150 mm<sup>2</sup> Al), con orixe no novo paso aéreo-soterrado (PA/S) por instalar no apoio nº 49-25 e remate no paso soterrado-aéreo (PS/A) proxectado no mesmo apoio, tras entrar e saír no novo CS Navallos.

Nova liña eléctrica de media tensión soterrada, a 20 kV (tensión de servizo: 15 kV), de 1.274 metros de lonxitude en condutor tipo RHZ1-2OL 12/20 kV 3 (1 x 150 mm<sup>2</sup> Al), con orixe en cela de liña do CS Navallos proxectado e remate en cela de liña do CT Baiuca-Soandres (expediente IN407A 2024/17-1).

### 2 Lexislación de aplicación:

- Lei 39/2015, do 1 de outubro, do procedemento administrativo común das administracións públicas (BOE núm. 236, do 2 de outubro de 2015).
- Lei 40/2015, do 1 de outubro, do réxime xurídico do sector público (BOE núm. 236, do 2 de outubro de 2015).



- Lei 24/2013, do 26 de decembro, do sector eléctrico (BOE núm. 310, do 27 de decembro de 2013).
- Real decreto 1955/2000, do 1 de decembro, polo que se regulan as actividades de transporte, distribución, comercialización, subministración e procedementos de autorización de instalacións de enerxía eléctrica (BOE núm. 310, do 27 de decembro de 2000).
- Resolución do 19 de febreiro de 2014, pola que se aproba o procedemento de autorización administrativa de construción, de acordo co previsto na Lei 24/2013, do 26 de decembro, do sector eléctrico (DOG núm. 54, do 19 de marzo de 2014).
- Lei do 16 de decembro de 1954, sobre expropiación forzosa (BOE núm. 351, do 17 de decembro de 1954).
- Decreto do 26 de abril de 1957 polo que se aproba o regulamento da Lei de expropiación forzosa (BOE núm. 160, do 20 de xuño de 1957).

A relación concreta e individualizada dos bens e dereitos afectados que se considera de necesaria expropiación figura no anexo que se xunta con este acordo.

A declaración de utilidade pública, segundo o artigo 56 da Lei 24/2013, do sector eléctrico, levará implícita, en todo caso, a necesidade de ocupación dos bens ou de adquisición dos dereitos afectados e implicará a urxente ocupación, para os efectos do artigo 52 da Lei de expropiación forzosa.

A documentación estará a disposición das persoas interesadas nas dependencias da Sección de Enerxía da Xefatura Territorial da Consellería de Economía, Industria e Innovación da Coruña (rúa Vicente Ferrer, núm. 2-2º andar, 15071 A Coruña), entre as 9:00 e as 14:00 horas, de luns a venres, así como no taboleiro de anuncios do concello. Ademais, poderá consultarse no Portal de transparencia e goberno aberto desta consellería:

<https://economia.xunta.gal/transparencia/informacion-publica/en-tramitacion/instalacions-electricas-distribucion-e-transporte>

Isto faise público para coñecemento xeral e particular das persoas propietarias dos predios que figuran na relación anexa a este acordo, así como das persoas titulares de dereitos reais ou intereses económicos sobre os bens afectados que fosen omitidos. Poderán examinar a documentación técnica, e no seu caso, achegar as alegacións ou observacións que estimen axeitadas no prazo de 30 días, contados a partir do día seguinte ao da derradeira publicación deste acordo.

A Coruña,



Isidoro Martínez Arca  
Xefe territorial





ANEXO: Relación de bens e dereitos afectados  
LMT interconexión Xesta-Toural e novo CS Navallos (A Laracha)

Parcela proxecto	Propietario/titular	Referencia catastral Natureza do terreo	Paraxe	LMT soterrada (servidume de paso de enerxía eléctrica)		Afección pleno dominio (centro de seccionamento)		
				Lonxitude (m)	Superficie (m <sup>2</sup> )	Superficie edificio (m <sup>2</sup> )	Beirarrúa (m <sup>2</sup> )	Acceso (m <sup>2</sup> )
1	Herdeiros de Julio Naveira Montero	15042A102001210000RI Pradería	Navallos			8	15	32

